

Tenor la lescha dil survetsch social

Principi:

La constituziun federala dalla Svizra garantisce a tuttas personas / famiglias en Svizra sustegn finanziel e cussegliaziuns en situaziuns d'urgenza. Responsabels pigl agid ei la vischnaunca da domicil.

La dimensiun dil sustegn social s'orientescha suenter las directivas dalla SKOS.

Per calcular il dretg individual sin susteniment social vegn in preventiv elavuraus sco era quintau ora il minimum d'existenza tenor il dretg dil sustegn social.

Part dil minimum d'existenza dil dretg dil sustegn social ein:

- Cuosts da viver (pauschala tenor diember da personas el tenercasa)
- Cuosts da habitar
- Survetsch medicinal da basa (premia dalla cassa da malsauns)
- Prestaziuns individualas el connex culla situaziun (cumpras necessarias, tgira d'affons ordeifer la famiglia).

Tier la calculaziun dil minimum d'existenza tenor il dretg dil sustegn social vegnan la taglia, deivets, ratas da credits e d'emprests ni stumaziuns da pagas buca risguardai.

Tgi che contonscha buca il minimum d'existenza tenor il dretg dil sustegn social cun ses agens mieds, (paga, prestaziuns da segiradas, rentas, contribuziuns pils cuosts da viver e.a.v.) ha in dretg sin sustegn social.

Tgei fageis Vus sche vus duvreis sustegn finanziel en in cass d'urgenza?

S'annunziai personalmein tiel survetsch social dalla Regiun Surselva. Leu vegnis Vus informai sur dallas formalitads necessarias ed ei vegn fatg giu in εμπrem termin per discussiunar davart Vossa situaziun persunala e finanziaria.

Nua anfleis Vus ulteriuras informaziuns?

Il Beobachter ha resumau en sia brochura "Habe ich Anspruch auf Sozialhilfe" dretgs ed obligaziuns, exempels per la calculaziun sco era impurtontas informaziuns ed adressas. Quella brochura sa vegnir retratga tiel Beobachter (www.beobachter.ch).

Ulteriuras informaziuns tier las decisiuns dil sustegn social e damondas da dretg offereschon era las paginas d'internet dalla Confederaziun Svizra per sustegn social (SKOS) sut www.skos.ch.